

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj 12/03, 34/03 i 65/13), člana 64. stav 3. Zakona o zdravstvenoj zaštiti ("Službene novine Federacije Bosne i Hercegovine", broj 46/10 i 75/13) i Odluke o bližim kriterijima za imenovanje u upravne odbore zdravstvenih ustanova u svojini Federacije Bosne i Hercegovine, odnosno jednog ili više kantona i Federacije Bosne i Hercegovine zajedno ("Službene novine Federacije Bosne i Hercegovine", broj 54/10 i 59/10), Javna zdravstvena ustanova Univerzitetski klinički centar Tuzla objavljuje

JAVNI OGLAS

za izbor članova Upravnog odbora Javne zdravstvene ustanove Univerzitetski klinički centar Tuzla iz reda stručnih radnika Javne zdravstvene ustanove Univerzitetski klinički centar Tuzla

I – Pozicije koje se oglašavaju

U Upravnom odboru Javne zdravstvene ustanove Univerzitetski klinički centar Tuzla (u daljem tekstu: Ustanova) – tri (3) člana iz reda stručnih radnika Ustanove, od kojih najmanje dva moraju biti iz reda zdravstvenih radnika.

II – Opis pozicije člana Upravnog odbora

Djelokrug rada upravnog odbora u smislu člana 65. Zakona o zdravstvenoj zaštiti je:

- donošenje statuta zdravstvene ustanove,
- imenovanje i razrješavanje direktora odnosno v.d. direktora zdravstvene ustanove,
- utvrđivanje planova rada i razvoja zdravstvene ustanove,
- utvrđivanje godišnjeg programa rada,
- donošenje finansijskog plana i usvajanje godišnjeg obračuna,
- donošenje opštih akata o unutrašnjem uređenju i sistematizaciji poslova i drugih opštih akata, saglasno zakonu i statutu zdravstvene ustanove,
- odlučivanje o svim pitanjima obavljanja djelatnosti radi kojih je zdravstvena ustanova osnovana, ako zakonom nije određeno da o određenim pitanjima odlučuje drugi organ zdravstvene ustanove,
- usmjeravanje, kontrolisanje i ocjenjivanje rada direktora,
- rješavanje svih pitanja odnosa s osnivačem,
- odlučivanje o korištenju sredstava preko iznosa utvrđenog statutom zdravstvene ustanove,
- odgovaranje osnivaču za rezultate rada zdravstvene ustanove,
- odlučivanje o prigovoru zaposlenika na rješenje kojim je drugi organ, određen statutom zdravstvene ustanove, odlučio o pravu, obavezi i odgovornosti zaposlenika iz radnog odnosa,
- podnošenje osnivaču najmanje jedanput godišnje izvještaja o poslovanju zdravstvene ustanove,
- obavljanje i drugih poslova saglasno zakonu i statutu zdravstvene ustanove.

III – Mandat

Mandat članova Upravnog odbora traje četiri (4) godine uz mogućnost ponovnog izbora.

IV – Opći uslovi

Kandidat za člana Upravnog odbora Ustanove, dužan je ispunjavati opće uslove utvrđene odredbama Zakona o ministarskim, vladinim i drugim imenovanjima Federacije Bosne i Hercegovine, kao i Odlukom o bližim kriterijima za imenovanje u upravne odbore zdravstvenih ustanova u svojini Federacije Bosne i Hercegovine, odnosno jednog ili više kantona i Federacije Bosne i Hercegovine zajedno i to:

- da je državljanin Bosne i Hercegovine (uvjerenje o državljanstvu, ne starije od tri mjeseca),
- da je stariji od 18 godina,
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja ovog Javnog oglasa (izjava kandidata potpisana i ovjerena od strane nadležnog organa ne starija od tri mjeseca),
- da se na njega ne odnosi član IX. 1. Ustava Bosne i Hercegovine (izjava kandidata potpisana i ovjerena od strane nadležnog organa ne starija od tri mjeseca),
- da nije na funkciji u političkoj stranci, u smislu člana 5. Zakona o ministarskim, vladinim i drugim imenovanjima u FBiH (izjava kandidata potpisana i ovjerena od strane nadležnog organa ne starija od tri mjeseca),
- da nije osuđivan za krivično djelo nespojivo sa dužnošću u upravnom odboru zdravstvene ustanove, odnosno zavoda (izjava kandidata potpisana i ovjerena od strane nadležnog organa ne starija od tri mjeseca)
- da nema privatni-finansijski interes u Ustanovi (izjava kandidata potpisana i ovjerena od strane nadležnog organa ne starija od tri mjeseca),
- da nije direktor zdravstvene ustanove, odnosno zavoda (izjava kandidata potpisana i ovjerena od strane nadležnog organa ne starija od tri mjeseca),
- da nije član ni u jednom upravnom odnosno nadzornom odboru ustanove, zavoda, odnosno privrednog društva sa većinskim državnim kapitalom (izjava kandidata potpisana i ovjerena od strane nadležnog organa ne starija od tri mjeseca).

V – Posebni uslovi

Pored općih uslova iz prethodne tačke, kandidat za člana Upravnog odbora iz reda stručnih radnika Ustanove, saglasno Odluci o bližim kriterijima za imenovanje u upravne odbore zdravstvenih ustanova u svojini Federacije Bosne i Hercegovine, odnosno jednog ili više kantona i Federacije Bosne i Hercegovine zajedno treba da ispunjava i sljedeće posebne uslove:

- da je zdravstveni radnik odnosno zdravstveni saradnik VII stepena stručne spreme: zdravstvenog, odnosno pravnog, ekonomskog ili tehničkog usmjerenja (original ili ovjerena fotokopija diplome),
- da ima najmanje pet godina radnog iskustva na poslovima svog stručnog naziva (potvrda/uvjerenje o radnom iskustvu),
- da ima stručno znanje iz djelatnosti Ustanove, te da je upućen u sadržaj i način njenog rada,
- da ima sposobnost upravljanja finansijskim sredstvima i ljudskim resursima, kao i sklonost timskom radu.

VI – Ostali uslovi

Prilikom procjene kvalifikacije i iskustva kandidata, u obzir će se uzeti sljedeće:

- sposobnost za savjesno i odgovorno obavljanje poslova,

- sposobnost nepristrasnog donošenja odluka, organizacijske i komunikacijske sposobnosti,
- dokazani rezultati rada ostvareni u toku radne karijere.

VII – Naknada

Mjesečnu naknadu za rad u Upravnom odboru utvrđuje Vlada Federacije BiH na prijedlog Federalnog ministra zdravstva u skladu sa posebnim propisom, a ista se isplaćuje iz sredstava Ustanove.

VIII – Potrebni dokumenti

Kandidati su dužni uz prijavu, koja sadrži kraću biografiju sa adresom i kontakt telefonom, priložiti dokaze (originalne dokumente ili ovjerene fotokopije ne starije od tri mjeseca) o ispunjavanju općih i posebnih uslova traženih ovim Javnim oglasom.

IX – Podnošenje prijava

Javni oglas ostaje otvoren 15 (petnaest) dana od dana posljednjeg objavljivanja.

Neblagovremene i nepotpune prijave neće se razmatrati.

Prijave sa svim traženim dokumentima kandidati su dužni dostaviti lično ili preporučeno poštom na adresu:

**Javna zdravstvena ustanova
Univerzitetski klinički centar Tuzla
Trnovac bb, 75 000 Tuzla
sa naznakom**

**"Prijava na Javni oglas za izbor članova Upravnog odbora JZU UKC Tuzla – NE
OTVARATI"**

Na poledini koverta navesti ime i prezime podnosioca prijave, adresu i kontakt telefon.

X – Objavljivanje Javnog oglasa

Javni oglas će biti objavljen u Službenim novinama Federacije BiH, dnevnim novinama "Oslobođenje" i na web stranici Ustanove.

Postupak izbora provest će se u skladu sa odredbama o ministarskim, vladinim i drugim imenovanjima Federacije Bosne i Hercegovine.

XI – Ostale napomene

Svi kandidati koji budu ušli u uži izbor biće pozvani na intervju. Prije intervjuja kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njihovog imenovanja. Obrasci se popunjavaju neposredno prije intervjuja.

Imenovanje članova Upravnog odbora vrši Vlada Federacije BiH.